

Polasaí Iontrála Scoil Chuimsitheach Chiaráin

An Cheathrú Rua, Co. na Gaillimhe. H91FC3V

Uimhir rolla: 81012N

Pátrúin na Scoile: Ardeaspag Thuama & An tAire Oideachais & Scileanna

1. Réamhrá

Comhlíonann an Polasaí Iontrála seo ceanglais an Achta Oideachais 1998, an Achta Oideachais (Iontráil i Scoileanna) 2018 agus an Achta um Stádas Comhionann 2000. Agus an polasaí seo á dhréachtú, chuaigh bord bainistíochta na scoile i gcomhairle le foireann na scoile, le pátrún na scoile agus le tuismitheoirí leanaí atá ag freastal ar an scoil.

D'fhaomh an pátrún scoile an polasaí ar an . Tá sé foilsithe ar shuíomh gréasáin na scoile agus cuirfear ar fáil i gcóip chrua é ar iarratas d'aon duine a iarrann é.

Tá na dátaí agus na hamlínte ábhartha do pholasaí iontrála Scoil Chuimsitheach Chiaráin leagtha amach san fhógra maidir le hiontráil bhliantúil na scoile a fhoilsítear go bliantúil ar shuíomh gréasáin na scoile seachtain amháin ar a laghad roimh thús an phróisis iontrála don scoilbhliain lena mbaineann.

Ní mór an polasaí seo a léamh i gcomhar leis an bhfógra maidir le hiontráil Bhliantúil na scoile don scoilbhliain lena mbaineann.

Foilsítear an fhoirm iarratais i gcomhair iontrála ar shuíomh gréasáin na scoile agus cuirfear cóip chrua di ar fáil d'aon duine a iarrann sin.

Cuspóir an Bheartais

Treoir a thabhairt do thuismitheoirí agus do dhaltaí maidir le clárú agus iontráil i Scoil Chuimsitheach Chiaráin. Cuirfear fiosrúchán faoin mbeartas chuig Príomhoide na scoil nó chuig An Bord Bainistíochta. Léiríonn an Bord Bainistíochta tacaíocht do na prionsabail seo a leanas i ndréachtadh an bheartais iontrála.

- Comhionannas maidir le cead iontrála agus páirtíocht sa scoil.
- Rogha Tuismitheoirí/Caomhnóirí maidir le clárú.

- Meas ar éagsúlacht i luachanna, i dtraidisiúin, i gcreidimh, i dteanga agus i gcórais mhaireachtála an tsochaí.
- Cearta an dalta a bhfuil riachtanais speisialta oideachais aige/aici nó atá faoi mhíbhuntáiste.

2. Spiorad saineúil agus cuspóirí ginearálta na scoile

Cumadh Beartas Iontrála Scoil Chuimsitheach Chiaráin faoi stiúir ráitis misin na scoile “Ardchaighdeán Oideachais trí mheán na Gaeilge a chur ar fáil sa Phobal Gaeltachta seo ina ndíríonn muid ar fhorbairt shóisialta, acadúil, spioradálta agus cultúrtha an dalta. Timpeallacht shábháilte a chothú ina bhfuil tacaíocht le fáil ag gach dalta chun a bhuanna a fhorbairt go hiomlán.”

Tá cur síos déanta go soiléir ar fhreagrachtaí phátrún na scoileanna iarbhuideochais in Acht Oideachais, 1998. San Earnáil Scoileanna Cuimsitheacha féin, is ionann lontaobhaithe na scoile agus Comhphátrúin na scoile. Tá rólanna agus freagrachtaí an Phátrúin i Scoil Chuimsitheach léirithe in Acht Oideachais, 1998. Tá sainmhíniú níos mó déanta ar na rólanna agus ar na freagrachtaí sin in Airteagail Bainsitíochta na Scoile Cuimsithí .

Is Scoil Ghaeltachta í Scoil Chuimsitheach Chiaráin a bunaíodh i 1966 ar a bhfreastalaíonn idir chailíní agus bhuachaillí. Is iad Ardeaspag Thuama agus an tAire Oideachais agus Scileanna Comhphátrúin Scoil Chuimsitheach Chiaráin. Tá ochtar ball ar Bord Bainistíochta na scoile comhdhéanta mar seo a leanas, beirt ainmní an Easpaig, beirt ainmní ó Bord Oideachais agus Oiliúna na Gaillimhe agus Ros Comáin, beirt thuismitheoir agus beirt mhúinteoir.

Tá an Scoil airgeadaithe go hiomlán ag an Roinn Oideachais agus Scileanna. Is í Gaeilge teanga na scoile. Soláthraítear foireann múinteoirí don scoil faoi réir chóras leithroinnt mhúinteoirí na Roinne Oideachais agus Scileanna agus feidhmíonn an scoil de réir chlár rialacha na Roinne sin.

Is í an fhís atá againn do Scoil Chuimsitheach Chiaráin go mbeidh pobal scoile ann ina mbeidh comhionannas, síocháin agus cairdeas ag croílár na scoile sin. Glactar leis agus aithnítear go bhfuil pobal na scoile comhdhéanta de daoine aonair atá thar a bheith éagsúil óna chéile. Oibreoidh chuile dhuine i bpobal na scoile seo lena chinntiú go mbeidh deis ag chuile dhuine i bpobal na scoile an mian croí atá acu sa saol a bhaint amach.

Chomh maith leis sin is scoil Ghaeltachta í Scoil Chuimsitheach Chiaráin atá suite i gcroílár an traidisiúin Gaelaí – tá an teanga, an amhránaíocht ar an sean-nós, an damhsa ar an sean-nós chomh maith leis an mbéaloideas lárnach anseo. Tuigeann muide an saibhreas cultúrtha agus oidhreacht atá sa gceantar seo agus an tábhacht a bhaineann lena chaomhnú agus lena neartú.

Déantar caidrimh idir na comhpháirtithe oideachais a chothú, a spreagadh, a chumhachtú agus a chumasú. Trí oibriú i gcomhar le Tuismitheoirí/Caomhnóirí déanann an scoil chuile iarracht fonn foghlama ar feadh an tsaoil a chothú sna scoláirí a bhíonn faoinár gcúram chomh maith le meas a bheith acu fhéin ar an duine aonair, tuiscint a fháil ar na riachtanais a bhíonn ag daoine faoi mhíbhuntáiste agus cúram a dhéanamh don timpeallacht chomh maith le tuiscint agus eolas a chur ar an gcultúr saibhir atá againn. Bainfear leas as spiorad ar leith na scoile má fheictear é mar an bhunchloch a úsáidfí an scoil chun treo na scoile a mhúnlú agus na gníomhartha a nglacfar leo inti. Is féidir a rá gur ionann spiorad ar leith na

scoile agus an chaoi mar a n-oibríonn rudaí in abhantrach na scoile. Tá míle fáilte roimh chuire scoláire i Scoil Chuimsitheach Chiaráin beag beann ar chine, reiligiún, creideamh, an grúpa eitneach lena mbaineann siad nó ar a gcumas agus is Comhpháirtithe iad i ndáiríre den institiúid oideachais seo atá bríomhar agus spreagúil

3. Ráiteas maidir le hlontráil

Ní dhéanfaidh Scoil Chuimsitheach Chiaráin idirdhealú maidir le dalta a ligean isteach i scoil ar bhonn aon cheann díobh seo a leanas:

- (a) inscne an dalta nó an iarratasóra i leith an dalta lena mbaineann,
- (b) stádas sibhialta an dalta nó an iarratasóra i leith an dalta lena mbaineann,
- (c) stádas teaghlaigh an dalta nó an iarratasóra i leith an dalta lena mbaineann,
- (d) gnéaschlaonadh an dalta nó an iarratasóra i leith an dalta lena mbaineann,
- (e) reiligiún an dalta nó an iarratasóra i leith an dalta lena mbaineann,
- (f) bunús mhíchumas an dalta nó an iarratasóra i leith an dalta lena mbaineann,
- (g) cine an dalta nó an iarratasóra i leith an dalta lena mbaineann,
- (h) dalta nó iarratasóir ó phobal an lucht siúil i leith an dalta lena mbaineann, nó
- (i) riachtanais speisialta oideachais a bheith ag an dalta nó ag an iarratasóir i leith an dalta lena mbaineann.

De réir Alt 61 (3) den Acht Oideachas 1998, forléireofar 'foras stádais shibhialta', 'foras míchumais', 'leithcheal', 'foras stádas teaghlaigh', 'foras inscne', 'foras cine', 'foras reiligiúin', 'foras gnéaschlaonta' agus 'foras pobail Taistil' de réir alt 3 den Acht um Stádas Comhionann 2000.

Comhoibreoidh Scoil Chuimsitheach Chiaráin leis an gComhairle Náisiúnta um Oideachas Speisialta i gcomhlíonadh feidhmeanna na Comhairle faoin Acht um Oideachas do Dhaoine a bhfuil Riachtanais Speisialta Oideachais acu 2004 maidir le soláthar oideachais do leanaí a bhfuil riachtanais speisialta oideachais acu, lena n-áirítear soláthar agus feidhmiú rang nó ranganna speisialta nuair a iarrann an Chomhairle a leithéid.

Comhlíonfaidh Scoil Chuimsitheach Chiaráin le haon ordúchán a sheirbheálfar ar an bpátrún nó ar an mbord, de réir mar is ábhartha, faoi alt 37A agus le haon ordúchán a sheirbheálfar ar an mbord faoi alt 67(4)(b) den Acht Oideachais.

Is scoil í Scoil Chuimsitheach arb é an cuspóir atá aici oideachas a sholáthar i dtimpeallacht a chuireann luachanna reiligiúnacha áirithe chun cinn agus ní dhéanann sí idirdhealú i gcás ina dtugann sí cead isteach do dhaltá Caitliceach seachas do dhaltáí eile.

Is scoil í Scoil Chuimsitheach arb é an cuspóir atá aici oideachas a sholáthar i dtimpeallacht a chuireann luachanna reiligiúnacha áirithe chun cinn agus ní dhéanann sí idirdhealú i gcás nuair a dhiúltaíonn sí cead isteach do dhaltá nach den Chreideamh Caitliceach é/í agus cruthaítear go bhfuil an diúltú riachtanach chun éiteas na scoile a choinneáil.

Is scoil í Scoil Chuimsitheach a bhunaigh rang, le ceadú an Aire Oideachais agus

Scileanna, a chuireann oideachas ar fáil go heisiach do dhaltáí a bhfuil catagóir nó catagóirí de riachtanais speisialta oideachais acu atá sonraithe ag an Aire agus d'fhéadfadh sé go ndiúltófaí isteach sa rang do dhaltá nach bhfuil an chatagóir riachtanas acu atá sonraithe.

4. Na catagóirí de Riachtanais Speisialta Oideachais a ndéantar freastal orthu sa scoil/sa rang speisialta

Sa bhliain 2016 bhunaigh Scoil Chuimsitheach Chiaráin le cead ón Aire Oideachais agus Scileanna, rang chun oideachas a chur ar fáil go heisiach do dhaltáí a bhfuil uathachas acu.

Tá leanaí agus daoine óga incháilithe chun rollú i rang speisialta le haghaidh uathachas nuair a chuirtear an méid seo a leanas ar fáil mar thaca le hiarratas dá leithéid:

Tuarascáil ghairmiúil (tuarascálacha gairmiúla) ina leagtar amach:

- Diagnóis ar riachtanais speisialta oideachais (m.sh. Uathachas: DSM IV/V nó ICD 10/11 (síceolaí, síciatraí, tuarascáil ildisciplíneach).

AGUS

- Léiriú ar an tuiscint ar chastacht leibhéal foriomlán riachtanas/riachtanais an linbh arna léiriú sna tuarascálacha gairmiúla.

AGUS

- I bhfianaise dhéine nó chastacht riachtanais tacaíochta an linbh, is é an rud is oiriúnaí chun freastal ar riachtanais an linbh ar an mbealach is fearr moladh gairmiúil soiléir maidir leis an gcineál socrúcháin oideachais mar aon leis an réasúnaíocht leis sin.

AGUS

- Litir ón CNOS ina ndeimhnítear go bhfuil aithne acu ar an leanbh agus go bhfuil an diagnóis agus an moladh riachtanach ag an leanbh le haghaidh rang speisialta don uathachas.

5. Daltáí a Ligean Isteach

Ligfidh an scoil seo isteach gach dalta atá ag lorg iontrála ach amháin sna cásanna a leanas –

- a) i gcás ina bhfuil ró-éileamh ar an scoil (féach alt 6 thíos le haghaidh tuilleadh sonraí)
- b) i gcás go dteipeann ar thuismitheoir dalta, nuair a éilíonn an príomhoide é de réir alt 23(4) den Acht Oideachais (Leas) 2000, a dhearbhu i scríbhinn go bhfuil cód iompair na scoile inghlactha dó nó di agus go ndéanfaidh sé nó sí gach iarracht réasúnach lena chinntiú go gcomhlíonfaidh an dalta an cód sin.

Is scoil í Scoil Chuimsitheach arb é an cuspóir atá aici oideachas a sholáthar i dtimpeallacht a chuireann luachanna reiligiúnacha áirithe chun cinn agus ní dhéanann sí idirdhealú i gcás nuair a dhiúltaíonn sí cead isteach do dhaltá nach den Chreideamh Caitliceach é/í agus cruthaítear go bhfuil an diúltú riachtanach chun éiteas na scoile a choinneáil.

Soláthraíonn an rang speisialta atá nasctha le Scoil Chuimsitheach Chiaráin oideachas do dhaltáí a bhfuil uathachas go heisiach agus féadfaidh an scoil cead isteach a dhiúltú don rang sin, i gcás nach bhfuil an chatagóir shonraithe de riachtanais speisialta oideachais ag an dalta atá i gceist dá bhforáiltear sa rang sin

6. Ró-iarratas

Sa chás go bhfuil ró-éileamh ar an scoil, déanfaidh an scoil na critéir roghnaithe a leanas a chur i bhfeidhm san ord ina bhfuil siad thíos maidir leis na hiarratais a fhaightear laistigh den amlíne chun iarratais a fháil mar atá leagtha amach i bhfógra iontrála na scoile agus na hiarratais ar chead isteach á gcinneadh aici.

Gach dalta a bhfuil cónaí air/uirthi in abhantrach na scoile de réir an tseirbhís taistil scoile.

Gach dalta a bhfuil deartháir nó deirfiúr leo sa scoil faoi láthair

Gach dalta a raibh deartháir nó deirfiúr leo sa scoil cheana

Mac nó iníon d'fhoireann na scoile

Sa chás go bhfuil beirt daltaí nó níos mó ceangailte le haghaidh áite nó áiteanna in aon cheann de na catagóirí critéir roghnúcháin thuas (agus líon na n-iarratasóirí níos mó ná líon na n-áiteanna atá fágtha), beidh feidhm ag na socruithe a leanas:

Líonfar áiteanna ar bhonn randamach trí chóras crannchur.

Bunófar liosta feithimh

7. An méid nach mbreithneofar ná nach gcuirfear san áireamh

De réir alt 62(7)(e) den Acht Oideachais 1998, ní dhéanfaidh an scoil aon cheann díobh seo a leanas a bhreithniú ná a chur san áireamh agus iarratais ar chead isteach á gcinneadh nó nuair a bhíonn dalta á c(h)ur ar liosta feithimh le haghaidh iontrála sa scoil.

- (a) freastal roimh ré ag dalta ar réamhscoil nó ar sheirbhís réamhscoile, lena n-áirítear naíonraí,
- (b) íocaíocht táillí nó ranníocaíochtaí (cibé slí a dtuairiscítear é) leis an scoil; (c) cumas, scileanna nó inniúlacht acadúil an dalta; seachas i ndáil le: ligean isteach chuig rang speisialta a mhéad is gá chun a fháil amach an bhfuil nó nach bhfuil an chatagóir riachtanas speisialta oideachais lena mbaineann ag an dalta ligean isteach i scoil Ghaeilge, de réir fhorálacha alt 62(9) den Acht gairm, stádas airgeadais, cumas acadúil, scileanna nó inniúlacht tuismitheoirí dalta;
- (d) gairm, stádas airgeadais, cumas acadúil, scileanna nó inniúlacht tuismitheoirí dalta;
- (e) ceanglas go bhfreastalóidh dalta, nó a t(h)uismitheoirí ar agallamh, lá oscailte nó cruinniú eile mar choinníoll iontrála;
- (f) ceangal dalta leis an scoil de bhua duine dá t(h)eaghlach nó dá teaghlach ag freastal ar an scoil nó a bhí ag freastal ar an scoil roimhe sin;

(seachas, i gcás deartháireacha nó deirfiúracha dalta a fhreastalaíonn ar an scoil nó a d'fhreastail ar an scoil).
- (g) an dáta agus an t-am ar ghlac an scoil le hiarratas iontrála,

Tá sé sin faoi réir an iarratais a bheith faighte ag am ar bith le linn na tréimhse a shonraítear chun iarratais a fháil mar atá leagtha amach i bhfógra iontrála bliantúil na scoile don scoilbhliain lena mbaineann.

Tá sé sin faoi réir freisin ag an scoil tairiscintí a dhéanamh bunaithe ar liostaí feithimh reatha (suas go dtí an 31ú Eanáir 2025 amháin).

8. Cinntí ar iarratais

Béidh na cinntí go léir maidir le hiarratais ar iontráil chuig [ainm na scoile] bunaithe ar na nithe a leanas:

- Polasaí iontrála na scoile
- Fógra iontrála bliantúil na scoile (nuair is cuí);
- An fhaisnéis a chuir an t-iarratasóir ar fáil i bhfoirm iarratais oifigiúil na scoile a fuarthas le linn na tréimhse atá sonraithe inár bhfógra iontrála bliantúil chun iarratais a fháil;

(Féach alt 14 thíos maidir le hiarratais a fuarthas lasmuigh den tréimhse iontrála agus alt 15 thíos maidir le hiarratais ar áiteanna i mblianta seachas an grúpa ligthe isteach.)

Ní úsáidfear critéir roghnúcháin nach n-áirítear inár bpolasaí iontrála scoile chun cinneadh a dhéanamh maidir le hiarratas ar áit inár scoil.

9. Cinntí a chur in iúl d'iarratasóirí

Cuirfear iarratasóirí ar an eolas i scríbhinn maidir le cinneadh na scoile, laistigh den amlíne atá leagtha amach san fhógra bliantúil iontrála.

Mura dtairgtear áit do dhalta inár scoil, cuirfear na cúiseanna nár tairgeadh áit dó nó di ar fáil i scríbhinn don iarratasóir, lena n-áirítear, nuair is infheidhme, sonraí maidir le rangú an dalta i gcoinne na gcritéir roghnúcháin agus na sonraí faoi áit an dalta ar an liosta feithimh don scoilbhliain lena mbaineann.

Cuirfear iarratasóirí ar an eolas faoin gceart chun athbhreithniú/ceart achomhairc a lorg maidir le cinneadh na scoile (féach alt 18 thíos le haghaidh tuilleadh sonraí).

10. Glacadh le tairiscint áite ag iarratasóir

Agus tairiscint iontrála á glacadh agat ó [ainm na scoile], ní mór duit an méid a leanas a léiriú—

(i) cé acu an bhfuil nó nach bhfuil glactha agat le tairiscint iontrála ar scoil nó ar scoileanna eile. Má ghlac tú le tairiscint den sórt sin, ní mór duit sonraí na tairisceana nó na dtairiscintí lena mbaineann a chur ar fáil freisin.

(ii) cé acu an bhfuil iarratas déanta agat ar thairiscint iontrála ó scoil nó ó scoileanna eile nó cé acu an bhfuil tú ag feitheamh lena dheimhniú, agus má tá, ní mór duit sonraí na scoile nó na scoileanna eile lena mbaineann a sholáthar.

11. Cúinsí nach féidir tairiscintí a dhéanamh ina leith nó a tharraingt siar

Ní féidir le Scoil Chuimsitheach Chiaráin tairiscint iontrála a dhéanamh ná a tharraingt siar sna cásanna a leanas —

- i) déantar amach go bhfuil an fhaisnéis atá san iarratas bréagach nó míthreorach. ii) teipeann ar iarratasóir glacadh le tairiscint iontrála ar nó roimh an dáta atá leagtha amach i bhfógra iontrála bliantúil na scoile.
- iii) má theipeann ar thuismitheoir dalta, nuair a éilíonn an príomhoide é de réir alt 23(4) den Acht Oideachais (Leas) 2000, a dhearbhu i scríbhinn go bhfuil cód iompair na scoile inghlactha dó nó di agus go ndéanfaidh sé nó sí gach iarracht réasúnach lena chinntiú go gcomhlíonfaidh an dalta an cód sin; nó
- iv) teipeann ar iarratasóir riachtanais a chomhlíonadh chun 'glacadh le tairiscint' mar atá leagtha amach in alt 10 thuas.

12. Sonraí a roinnt le scoileanna eile

Ba chóir d'iarratasóirí a bheith feasach go gceadaítear le hAlt 66(6) den Acht Oideachas (Iontráil Scoileanna), 2018 comhroinnt sonraí idir scoileanna d'fhonn iontráil éifeachtach daltaí a éascú.

13. Liosta feithimh i gcás ró-iarratais

I gcás go mbeidh níos mó iarratas ar an scoilbhliain lena mbaineann ná na háiteanna atá ar fáil, tiomsófar liosta feithimh de dhaltaí nár éirigh lena n-iarratas ar iontráil chuig Scoil Chuimsitheach Chiaráin mar gheall ar ró-éileamh ar an scoil agus beidh siad bailí don scoilbhliain ina bhfuil cead isteach á lorg.

Tá socrúchán ar liosta feithimh Scoil Chuimsitheach Chiaráin san ord tosaíochta a shanntar d'iarratais na ndaltaí tar éis don scoil na critéir roghnúcháin a chur i bhfeidhm de réir an pholasaí iontrála seo.

Déanfar tairiscintí maidir le haon áiteanna ina dhiaidh sin a bheidh ar fáil don scoilbhliain agus lena linn a bhfuil cead isteach á lorg ina leith maidir leis na daltaí sin ar an liosta feithimh, de réir an oird tosaíochta ar cuireadh na daltaí ar an liosta.

14. Iarratais Dhéanacha

Breithneofar agus déanfar cinneadh ar gach iarratas ar chead isteach a fhaightear tar éis an dáta deiridh mar atá leagtha amach san fhógra iontrála bliantúil de réir pholasaí iontrála ár scoile, de réir an Achta um Iontrálacha Scoile 2018 agus de réir aon rialacháin a rinneadh faoin Acht sin.

15. Nósanna imeachta maidir le daltaí a ligean isteach i mblianta eile agus le linn na scoilbhliana

Déanfar gach iarracht freastal ar dhaltaí atá ag aistriú chuig abhantrach na scoile ag brath ar achmainn na scoile agus méid ranganna má tá folúntas ann agus mura mbedih de réir an phróisis seo leanas:

Cead isteach chuig blianta eile:

1. Cuirfear ainmneacha ar liosta feitheamh don bhliain atá i gceist agus cuirfear tuismitheoirí ar an eolas i scríbhinn faoin áit ar an liosta. Iontrálacha i rith na scoilbhliana

1. Má tá folúntas ann glacfar leis an iarratasóir, mura nglacfar, cuirfear a (h)ain mar an liosta feitheamh agus cuirfear tuismitheoirí ar an eolas.

Caithfear glacadh leis gur tré Ghaeilge a dhéantar an teagasc agus gur bí an Ghaeilge teanga cumarsáide na scoile.

16. Dearbhú maidir le gan táillí a ghearradh

Ní ghearrfaidh bord **Scoil Chuimsitheach Chiaráin** ná aon duine a ghníomhaíonn thar a cheann táillí ar íocaíocht nó ní lorgeoidh sé nó sí íocaíocht ná ranníocaíocht (cibé slí a dtuairiscítear) mar choinníoll de -

(a) iarratas ar dhalt a ligean isteach sa scoil, nó (b) iontráil nó clárú leanúnach dalta sa scoil.

17. Socruithe maidir le daltaí nach bhfreastalaíonn ar theagasc reiligiúnach

Tar éis do thuismitheoirí/caomhnóirí gurb é a rogha gan a bheith rannpháirteach i ngnéithe áirithe a bhaineann leis an gcuid seo den chlár i rith na bliana agus dul i gcomhairle leis an bPríomhoide, déanfar socruithe chun gur féidir leis an dalta fanacht sa rang faoi chúram an mhúinteora ó thaobh feitheoireachta de. Ní sé d'achmainn ag an scoil rang malartach nó feitheoireachta a chur ar fáil ina ionad.

18. An ceart chun athbheithnithe/achomhairc

Athbheithniú ar chinntí an Bhord Bainistíochta

Féadfaidh tuismitheoir mac léinn, nó i gcás mac léinn a bhfuil 18 mbliana d'aois slánaithe aige/aici féadfaidh sé/sí a iarraidh ar an mbord athbheithniú a dhéanamh ar an gcinneadh áit sa scoil a dhiúltú. Ní mór iarratais den gcineál sin a dhéanamh de réir Alt 29C den Acht Oideachais 1998.

Tá an t-amlíne ina gcaithfear athbheithniú den gcineál sin a iarraidh agus na ceanglais eile a bhaineann maidir le hathbheithnithe den gcineál sin leagtha amach sna nósanna imeachta arna gcinneadh ag an Aire faoi alt 29B den Acht Oideachais 1998 atá foilsithe ar shuíomh gréasáin na Roinne Oideachais agus Scileanna.

Déanfaidh an Bord athbheithnithe den gcineál sin de réir na nósanna imeachta a rialaítear faoi Alt 29B i gcomhair le Alt 29C den Acht Oideachais 1998.

Tabhair faoi deara: Sa chás gur diúltaíodh áit d'iarratasóir mar gheall ar ró-éileamh ar áiteanna sa scoil, ní mór don iarratasóir iarraidh ar an mbord bainistíochta **athbhreithniú ar an gcinneadh** sin a dhéanamh roimh achomharc a dhéanamh faoi alt 29 den Acht Oideachais 1998.

Sa chás gur diúltaíodh áit d'iarratasóir mar gheall ar chúis seachas ró-éileamh ar áiteanna sa scoil, féadfaidh an t-iarratasóir iarraidh ar an mbord bainistíochta **athbhreithniú ar an gcinneadh** sin a dhéanamh roimh achomharc a dhéanamh faoi alt 29 den Acht Oideachais 1998.

Ceart achomhairc

Faoi Alt 29 den Acht Oideachais 1998, féadfaidh tuismitheoir mac léinn, nó i gcás mac léinn a bhfuil 18 mbliana d'aois slánaithe aige/aici, féadfaidh sé/sí achomharc a dhéanamh ar chinneadh na scoile seo áit sa scoil a dhiúltú.

Is féidir achomharc a dhéanamh faoi Alt 29 (1)(c)(i) den Acht Oideachais 1998 sa chás gur diúltaíodh áit d'iarratasóir mar gheall ar ró-éileamh ar áiteanna sa scoil.

Is féidir achomharc a dhéanamh faoi Alt 29 (1)(c)(ii) den Acht Oideachais 1998 sa chás gur diúltaíodh áit d'iarratasóir mar gheall ar chúis seachas ró-éileamh ar áiteanna sa scoil.

Sa chás gur diúltaíodh áit d'iarratasóir mar gheall ar ró-éileamh ar áiteanna sa scoil, **ní mór** don iarratasóir iarraidh ar an mbord bainistíochta **athbhreithniú ar an gcinneadh** sin a dhéanamh **roimh achomharc a dhéanamh** faoi alt 29 den Acht Oideachais 1998. (féach Athbhreithniú ar chinntí an Bhord Bainistíochta)

Sa chás gur diúltaíodh áit d'iarratasóir mar gheall ar chás seachas ró-éileamh ar áiteanna sa scoil, féadfaidh an t-iarratasóir iarraidh ar an mbord bainistíochta **athbhreithniú ar an gcinneadh** sin a dhéanamh **roimh achomharc a dhéanamh** faoi alt 29 den Acht Oideachais 1998. (féach Athbhreithniú ar chinntí an Bhord Bainistíochta)

Déanfar achomhairc faoi Alt 29 den Acht Oideachais 1998 a mheas agus a chinneadh ag coiste neamhspleách achomhairc arna cheapadh ag an Aire Oideachais agus Scileanna.

Tá an t-amhlíne ina gcaithfear achomharc den gcineál sin a iarraidh agus na ceanglais eile a bhaineann maidir le hachomhairc den gcineál sin leagtha amach sna nósanna imeachta arna gcinneadh ag an Aire faoi alt 29B den Acht Oideachais 1998 atá foilsithe ar shuíomh gréasáin na Roinne Oideachais agus Scileanna.